

**ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ
ԳՆՄԱՆ ՊԱՅՄԱՆԱԳԻՐ
N << ԵԲ-ԲՄԾՁԲ-18/23-1 >>**

ք. Երևան

8 փետրվարի 2018 թ.

Երևանի քաղաքապետարանը, ի դեմս աշխատակազմի գնումների վարչության պետ Գ. Չթրյանի, որը գործում է Երևանի քաղաքապետի 01.04.2015 թվականի թիվ 956-Ա որոշման հիման վրա (այսուհետև՝ Պատվիրատու), մի կողմից, և «Հաղթանակ 2000» ՍՊԸ-ն, ի դեմս Ընկերության տնօրեն Ա. Դանիելյանի (այսուհետև՝ Կատարող), մյուս կողմից, կնքեցին սույն պայմանագիրը հետևյալի մասին:

ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է սպորտային միջոցառումների կազմակերպման ծառայությունների մատուցման պարտավորությունը (այսուհետև՝ ծառայություն)՝ համաձայն սույն պայմանագրի (այսուհետև՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող ծառայություն.

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը.

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին,

բ) խախտվել է ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

2.4 Կատարողը պարտավոր է՝


2.4.1 Պայմանագրի N 1 հավելվածով սահմանված պայմաններով ապահովել ծառայության մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

2.4.3 Պայմանագրի - կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՊՈՒՆՄԱՆ ԿԱՐԳԸ

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:



Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է www.procurement.am հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է www.procurement.am հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե մատուցված ծառայությունը համապատասխանում է պայմանագրի պայմաններին, Պատվիրատուին պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 15 աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե մատուցված ծառայությունը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.4 Եթե պայմանագրի 3.2 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի մատուցման ենթակա Ծառայության ընդհանուր գինը կազմում է **4937400** (չորս միլիոն ինը հարյուր երեսունյոթ հազար չորս հարյուր) ՀՀ դրամ:

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով նախատեսված չափերով և ամիսներին: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 20-ը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՅՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձեռք բերվող ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.8 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել ծառայության օգտագործման պահանջը: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

7.9 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների

կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.10 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.11 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից:

7.12 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.13 Սույն պայմանագիրը կազմված է 4 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.14 Սույն պայմանագրի նկատմամբ կիրառվում է Հայաստանի Հանրապետության իրավունքը:

7.15 Սույն պայմանագրով նախատեսված Պատվիրատուի իրավունքներն ու պարտականությունները ՀՀ օրենսդրությամբ սահմանված կարգով իրականացնում է Երևան քաղաքի Նորք Մարաշ վարչական շրջանի ղեկավարի աշխատակազմը:

8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

ՊԱՏՎԻՐԱՏՈՒ

Երևանի քաղաքապետարան
ք. Երևան, Արգիշտի փող. 1
Կենտրոնական գանձապետարան
ՀՎՀՀ 02593108
Հ/Հ 900012416112

ԿԱՏԱՐՈՂ

«Հաղթանակ 2000» ՍՊԸ
ք. Երևան, Անդրանիկի 4/8
«Կոնվերսբանկ» ՓԲԸ
Հ/Հ 193004674001
ՀՎՀՀ 00832885

Գ. Չթրյան



(ստորագրություն)
Կ.Տ.

Ա. Դանիելյան



(ստորագրություն)
Կ.Տ.

ՏԵԽՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՑՈՒՅՑ*

ՀՀ դրամ

		Ծառայության			մատուցման		
հրավերի նախ. չ/հ	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	տեխնիկական բնութագիրը	չափման միավորը	ընդհանուր գինը/ՀՀ դրամ	ընդհանուր քանակը	հասցեն	Ժամկետը**
	Նորք-Մարաշ վարչական շրջան						
14	92621110 /416	<p>ՀՀ անկախության 27-րդ տարեդարձին նվիրված դպրոցականների քաղաքային մարզական խաղեր</p> <p>Մրցումներն անցկացվում են վոլեյբոլ, բասկետբոլ, սեղանի թենիս, հանդբոլ, ֆուտբոլ, աթլետիկա և ֆուտ զալ մարզաձևերից: Անհրաժեշտ է ապահովել՝ միջոցառման անցկացման համար անհրաժեշտ տեխնիկական գույք՝ մրցավարական սեղաններ, աթոռներ, ավել, սավոկ, աղբամաններ: Միջոցառման կազմակերպումը անհրաժեշտ է նախապես համաձայնեցնել վարչական շրջանի աշխատակազմի կրթության, մշակույթի և սպորտի բաժնի հետ: Յուրաքանչյուր մարզաձևի մրցումների համար անհրաժեշտ են մրցավարներ՝ մրցավարների ընտրություն համապատասխան մարզաձևի ֆեդերացիայի միջոցով: Քարտուղարներ, բժշկական և բուժքույրական ծառայություններ միջոցառման ընթացքում՝ անհրաժեշտ դեղորայքով: Կազմակերպել խորհրդակցություն և վիճակահանություն միջոցառման մասնակից թիմերի ներկայացուցիչների մասնակցությամբ: Վերահսկել մրցավարների կողմից միջոցառման առաջնությունների արդյունքների անաչառ ամփոփումը: Կազմակերպել առաջնության մրցանակակիրների պարգևատրում՝ նախապես համաձայնեցված ոսկեգույն, արծաթագույն, բրոնզագույն մեդալներով, դիպլոմներով, պատվոգրերով և շնորհակալագրերով: Համաձայն կանոնադրությամբ նշված ժամանակացույցի՝ ապահովել</p>	դրամ	1000000	1	Նորք-Մարաշ վարչական շրջան	Փետրվար

		տրանսպորտային ծառայություններով /միկրոավտոբուս 17 տեղ/: Մասնակիցների քանակ 1, Մարզիկ - 113, մարզիչ -6, ներկայացուցիչ 2:					
15	92621110 /416	<p>"Առողջ սերունդ" պաշտպանված հայրենիք" համաքաղաքային բակային ավանդական փառատոն</p> <p>Փառատոնին մասնակցում են վարչական շրջանի հավաքական թիմերը: Ներառում է «կաշվե գնդակ» ֆուտբոլ, «թռչող գնդակ» վճիռներ, «Ոսկե գամբյուղ» բասկետբոլ, «Սրընթաց գնդակ» հանդբոլ, «Անիվ» հեծանվավազք, մարզատրամաբանական խաղեր՝ մարզաձևերը: Անհրաժեշտ է ապահովել՝ միջոցառման անցկացման համար անհրաժեշտ տեխնիկական գույք՝ մրցավարական սեղաններ, աթոռներ: Միջոցառման կազմակերպումը անհրաժեշտ է նախապես համաձայնեցնել վարչական շրջանի աշխատակազմի կրթության, մշակույթի և սպորտի բաժնի հետ: Յուրաքանչյուր մարզաձևի մրցումների համար անհրաժեշտ են մրցավարներ՝ մրցավարների ընտրություն համապատասխան մարզաձևի ֆեդերացիայի միջոցով: Քարտուղարներ, բժշկական և բուժքույրական ծառայություններ միջոցառման ընթացքում՝ անհրաժեշտ դեղորայքով: Կազմակերպել խորհրդակցություն և վիճակահանություն միջոցառման մասնակից թիմերի ներկայացուցիչների մասնակցությամբ: Վերահսկել մրցավարների կողմից միջոցառման առաջնությունների արդյունքների անաչառ ամփոփումը: Կազմակերպել առաջնության մրցանակակիրների պարգևատրում՝ նախապես համաձայնեցված ոսկեգույն, արծաթագույն, բրոնզագույն մեդալներով, դիպլոմներով, պատվոգրերով և շնորհակալագրերով: Համաձայն կանոնադրությամբ նշված ժամանակացույցի՝ ապահովել տրանսպորտային ծառայություններով /միկրոավտոբուս 17 տեղ/: Մասնակիցների քանակ 1, Մարզիկ - 113, մարզիչ -6, ներկայացուցիչ 2:</p>	դրամ	1000000	1	Նորք-Մարաշ վարչական շրջան	/2018թ. Հունիսի 10-ից/
16	92621110 /416	<p>ՀՀ ազգային ժողովի գավաթի խաղարկություն</p> <p>Մրցումներն անցկացվում են չորս փուլով՝ ներդպրոցական, շրջանային, քաղաքային, հանրապետական: Մասնակցում են վարչական շրջանի հանրակրթական դպրոցների 1-6-րդ դասարանների թիմերը: Մրցումներն իրենց մեջ ներառում են վազք, թենիսի գնդակի նետում, հեռացատկ, ձգումներ, փոխանցումավազք:</p>	դրամ	500000	1	Նորք-Մարաշ վարչական շրջան	/2018թ. Մայիս ամիս/

		<p>Յուրաքանչյուր դասարանից մասնակցում են 2 տղա, 2 աղջիկ: Շրջանային փուլի հաղթողները մասնակցում են քաղաքային փուլին: Մրցումներն անցկացվում են վոլեյբոլ, բասկետբոլ, սեղանի թենիս, հանդբոլ, ֆուտբոլ, աթլետիկա և ֆուտ զալ մարզաձևերից: Մասնակիցների քանակ Մարզիկ - 24, մարզիչ -2, ներկայացուցիչ 2: Միջոցառման կազմակերպման համար անհրաժեշտ է մասնակիցներին ապահովել մնրզահագուստով՝ գազարագույն շապիկներ, /չափը ճշտել մարզիկների ցուցակների կազմումից հետո/: Մարզահագուստները պետք է լինեն չօգտագործված: Միջոցառման կազմակերպումը անհրաժեշտ է նախապես համաձայնեցնել վարչական շրջանի աշխատակազմի կրթության, մշակույթի և սպորտի բաժնի հետ: Յուրաքանչյուր մարզաձևի մրցումների համար անհրաժեշտ են մրցավարներ՝ մրցավարների ընտրություն համապատասխան մարզաձևի ֆեդերացիայի միջոցով: Քարտուղարներ, բժշկական և բուժքույրական ծառայություններ միջոցառման ընթացքում՝ անհրաժեշտ դեղորայքով:</p>					
17	92621110 /416	<p>Երեխաների պաշտպանության միջազգային օրվան նվիրված «Սպորտլանդիա» մարզամշակույթային միջոցառում: Անցակացվում են սպորտլանդիայի ծրագրով նախատեսված շարժական խաղեր, մրցավարների օգնությամբ: Մասնակցում են վարչական շրջանի թվով 4 մանկապարտեզի սաները: Յուրաքանչյուր մանկապարտեզի 12 երեխա: Մրցումներում ներառված են փոխանցումավազք պարկերով, աքլորակոճիկ, գնդակի հափշտակում, հսկաներ և թզուկներ, գիշեր-ցերեկ: Միջոցառման կազմակերպումը անհրաժեշտ է նախապես համաձայնեցնել վարչական շրջանի աշխատակազմի կրթության, մշակույթի և սպորտի բաժնի հետ: Միջոցառման անցկացման վայրն է՝ թիվ 26 դպրոցի սպորտային հրապարակը:</p>	դրամ	120000	1	Նորք-Մարաշ վարչական շրջան	/2018թ. Հունիսի 1/
18	92621110 /416	<p>Շախմատի Երևան քաղաքի 2018թ. Առաջնություն անցկացման վայրն է ըստ կանոնադրությամբ նշված վայրի /Երևան քաղաք/՝ Մրցումների մասնակցելու են Նորք-Մարաշ վարչական շրջանի հանրակրթական դպրոցների 2-ական սաներ /տղա և աղջիկ/: Մրցումների մասնակցելու համար անհրաժեշտ է ապահովել տրանսպորտային ծառայություններով, միկրոավտոբուս՝ 7-8 տեղ: Մասնակիցներին հարկավոր</p>	դրամ	70000	1	Նորք-Մարաշ վարչական շրջան	/2018թ. Հունիս ամիս/

		ապահովել շալցված ջրով /0,5լ Նոյ կամ համանման/:					
19	92621110 /416	<p>«Լավագույն մարզական ընտանիք» մրցույթի նախնական փուլին մասնակցում են վարչական շրջանի մարզական 27 ընտանիքներ, մրցույթի քաղաքային փուլում մասնակցում են 9-ը մարզական ընտանիք, որի կազմում ընդգրկված է հայր, մայր և երեխա: Մրցույթն իր մեջ ներառում է՝ փոխանցումավազք, ուժային վարժություններ, վազք, պարանի ձգում: Քաղաքային փուլին մասնակցելու համար մասնակիցներին ապահովել մարզահագուստով՝ /կիսաթև մարզաշապիկ 9 հատ գազարագույն գույնի 48-54 չափսի կիսասինթետիկ վզի սրտածն բացվածքով, օձիքով, մարզաշապիկի մեջքին սպիտակ տառերով գրված "Նորք-Մարաշ", կիսաանդրավարտիք 9 հատ սև գույնի 48-54 չափսի կիսասինթետիք կողքից սպիտակ երեք գծեր: Կիսաթև մարզաշապիկ 9 հատ սպիտակ գույնի 42-48 չափսի կիսասինթետիկ վզի սրտածն բացվածքով, օձիքով, մարզաշապիկի մեջքին սպիտակ տառերով գրված "Նորք-Մարաշ", կիսաանդրավարտիք 9 հատ գազարագույն գույնի 42-48 չափսի կիսասինթետիկ կողքից սպիտակ երեք գծեր: Մարզահագուստները պետք է լինեն չօգտագործված: Համաձայն կանոնադրությամբ նշված ժամանակացույցի՝ ապահովել տրանսպորտային ծառայություններով /միկրոավտոբուս 17 տեղ/: Մասնակիցների քանակ Մարզիկ - 27 ընտանիք, ներկայացուցիչ 2: Միջոցառման ընթացքում մարզիկներին ապահովել շալցված ջրով /0,5լ Նոյ կամ համանման/:</p>	դրամ	1100000	1	Նորք-Մարաշ վարչական շրջան	/2018թ. Հունիսի 1-ից/
20	92621110 /416	<p>Շախմատի օլիմպիադայի անցկացման վայրն է թիվ 61 դպրոցում: Մրցումների մասնակցելու են Նորք-Մարաշ վարչական շրջանի հանրակրթական դպրոցների 4-ական սաներ /2 տղա և 2 աղջիկ/: Մասնակիցներին հարկավոր ապահովել շալցված ջրով /0,5լ Նոյ կամ համանման/: Կազմակերպել առաջնության մրցանակակիրների պարգևատրում՝ նախապես համաձայնեցված ոսկեգույն, արծաթագույն, բրոնզագույն մեդալներով, դիպլոմներով, պատվոգրերով և շնորհակալագրերով:</p>	դրամ	70000	1	Նորք-Մարաշ վարչական շրջան	/2018թ. նոյեմբեր ամիս/
21	92621110 /416	<p>Նախագորակոչային և զորակոչային տարիքի երիտասարդների 2018թ, հանրապետական ռազմամարզական խաղեր / Շրջանային փուլին մասնակցում են</p>	դրամ	150000	1	Նորք-Մարաշ վարչական շրջան	/2018թ. Հոկտեմբեր ամիս

		<p>վարչական շրջանի բոլոր հիմնական և ավագ դպրոցների աշակերտները: Ռազմամարզական խաղերի քաղաքային փուլին մասնակցում են վարչական շրջանում հաղթող մեկ դպրոցի թիմը: Անհրաժեշտ է ապահովել միջոցառման անցկացման համար անհրաժեշտ տեխնիկական գույք՝ մրցավարական սեղաններ, աթոռներ: Միջոցառման կազմակերպումը անհրաժեշտ է նախապես համաձայնեցնել վարչական շրջանի աշխատակազմի կրթության, մշակույթի և սպորտի բաժնի հետ: Յուրաքանչյուր մարզածևի մրցումների համար անհրաժեշտ են մրցավարներ, քարտուղարներ, բժշկական և բուժքույրական ծառայություններ միջոցառման ընթացքում՝ անհրաժեշտ դեղորայքով: Կազմակերպել խորհրդակցություն և վիճակահանություն միջոցառման մասնակից թիմերի ներկայացուցիչների մասնակցությամբ: Վերահսկել մրցավարների կողմից միջոցառման առաջնությունների արդյունքների անաչառ ամփոփումը:</p>				
22	92621110 /416	<p>Մասնակցություն լայնամասշտաբ սպորտային միջոցառումներին՝ Մասնակցություն այլ վարչական շրջաններում կազմակերպվող վոլեյբոլի, բասկետբոլի մարզական խաղերին: Ապահովել մարզիկներին համազգեստով /ըստ հայտացուցակի/ /Մարզաշապիկ դազարագույն գույնի, մեջքին սպիտակ տառերով տպված Նորք-Մարաշ: Մարզիկների ապահովել ըստ կանոնադրությամբ նշված ժամանակահատվածի տրանսպորտային ծառայություններով /միկրոավտոբուս 17 տեղ/, 22ալցված ջրով /0,5լ Նոյ կամ համանման/:</p>	դրամ	300000	1	<i>Նորք-Մարաշ վարչական շրջան</i>
23	92621110 /416	<p>"Կաշվե գնդակ" ֆուտբոլի առաջնությունը իրականացվելու է հ.26 դպրոցի ֆուտբոլի դաշտում: Մասնակցության հրավեր է ներկայացվելու Երևանի բոլոր վարչական շրջաններին: Կազմակերպել խորհրդակցություն և վիճակահանություն միջոցառման մասնակից թիմերի ներկայացուցիչների մասնակցությամբ: Վերահսկել մրցավարների կողմից միջոցառման առաջնությունների արդյունքների անաչառ ամփոփումը: Կազմակերպել առաջնության մրցանակակիրների պարգևատրում՝</p>	դրամ	227400	1	<i>Նորք-Մարաշ վարչական շրջան</i>

		նախապես համաձայնեցված ոսկեգույն, արծաթագույն, բրոնզագույն մեդալներով, դիպլոմներով, պատվոգրերով և շնորհակալագրերով:				
24	92621110 /416	Ըմբշամարտի հուշամրցաշար առաջնությունը իրականացվելու է Նորք-Մարաշի մանկապատանեկան համալիր մարզադպրոցի դահլիճում մասնակցության հրավեր է ներկայացվելու Երևանի բոլոր վարչական շրջաններին: Կազմակերպել խորհրդակցություն և վիճակահանություն միջոցառման մասնակից թիմերի ներկայացուցիչների մասնակցությամբ: Վերահսկել մրցավարների կողմից միջոցառման առաջնությունների արդյունքների անաչառ ամփոփումը: Կազմակերպել առաջնության մրցանակակիրների պարգևատրում՝ նախապես համաձայնեցված ոսկեգույն, արծաթագույն, բրոնզագույն մեդալներով, դիպլոմներով, պատվոգրերով և շնորհակալագրերով:	դրամ	200000	1	Նորք-Մարաշ վարչական շրջան
25	92621110 /416	Սպորտային բաց առաջնությունների մասնակցություն Մասնակցություն այլ վարչական շրջաններում կազմակերպվող սպորտային բաց առաջնություններին: Ապահովել մարզիկներին համազգեստով /ըստ հայտացուցակի/ /Մարզաշապիկ դազարագույն գույնի, մեջքին սպիտակ տառերով տպված Նորք-Մարաշ: Մարզիկների ապահովել ըստ կանոնադրությամբ նշված ժամանակահատվածի տրանսպորտային ծառայություններով /միկրոավտոբուս 17 տեղ/, շալցված ջրով /0,5լ Նոյ կամ համանման/:	դրամ	200000	1	Նորք-Մարաշ վարչական շրջան

ՊԱՏՎԻՐԱՏՈՒ

Երևանի քաղաքապետարան
ք. Երևան, Արգիշտի փող. 1
Կենտրոնական գանձապետարան
ՀՎՀՀ 02593108
Հ/Հ 900012416112



Գ. Չթոյան
(ստորագրություն)
Կ.Տ.

ԿԱՏԱՐՈՂ

«Հաղթանակ 2000» ՍՊԸ
ք. Երևան, Անդրանիկի 4/8
«Կոնվերսանկ» ՓԲԸ
Հ/Հ 193004674001
ՀՎՀՀ 00832885



Ա. Դանիելյան
(ստորագրություն)
Կ.Տ.

ՎՃԱՐՄԱՆ ԺԱՄԱՆԱԿԱՑՈՒՅՑ*

«Ն» դրամ

N	Ծառայության անվանումը	Նախատեսվում է ֆինանսավորել 2018 թ.՝ ըստ ամիսների՝ ընդ որում													
		հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Ընդամենը Տարի	
1	Սպորտային միջոցառումների կազմակերպում		2075000	2075000	4197400	4197400	4197400	4342400	4342400	4342400	4342400	4937400	4937400	4937400	4937400
	Ընդամենը		2075000	2075000	4197400	4197400	4197400	4342400	4342400	4342400	4937400	4937400	4937400	4937400	4937400

* Վճարման ենթակա գումարները ներկայացված են ածողական կարգով:

Պ ա տ վ ի ր ա տ ու
 Երևանի քաղաքապետարան
 ք. Երևան, Արգիշտի փող. 1
 Կենտրոնական գանձապետարան
 ՀՎՀՀ 02593108
 Հ/Հ 900012416120

Կ ա տ ա ր ո ղ
 «Հաղթանակ 2000» ՍՊԸ
 ք. Երևան, Անդրանիկի 4/8
 «Կոնվերսանկ» ՓԲԸ
 Հ/Հ 193004674001
 ՀՎՀՀ 00832885

Գ. Զթոյան



(ստորագրություն)
Կ.Տ

Ա. Դանիելյան



(ստորագրություն)
Կ.Տ

Պայմանագրի կողմ

գտնվելու վայրը _____

հհ _____

հվհհ _____

Պատվիրատու

գտնվելու վայրը _____

հհ _____

հվհհ _____

ԱՐՁԱՆԱԳՐՈՒԹՅՈՒՆ N
ՊԱՅՄԱՆԱԳՐԻ ԿԱՍ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆՄԱՆ-ԸՆԴՈՒՆՄԱՆ

« » « » 20 թ.

Պայմանագրի /այսուհետ՝ Պայմանագիր/ անվանումը՝ _____

Պայմանագրի կնքման ամսաթիվը՝ « » « » 20 թ.

Պայմանագրի համարը՝ _____

Պատվիրատուն՝ ի դեմս _____ և

Պայմանագրի կողմը՝ ի դեմս _____, հիմք ընդունելով Պայմանագրի կատարման վերաբերյալ « » « » 20 թ. կազմված՝ գնման հայտը նախագծած ներկայացուցչի N _____ եզրակացությունն այն մասին, որ Պայմանագրով նախատեսված՝ ստորև նշված ծառայությունները համապատասխանում են Պայմանագրով ամրագրված տեխնիկական բնութագրերին և գնման ժամանակացույցին՝ կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատուցել է հետևյալ ծառայությունները՝

N	անվանումը	տեխնիկական բնութագրի համառոտ շարադրանքը	Մատուցված ծառայությունների				Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի /
			քանակական ցուցանիշը		կատարման ժամկետը			
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Վերոհիշյալ ծառայությունների մատուցման վերաբերյալ բոլոր հաշիվ-ապրանքագրերը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

ստորագրություն

ազգանուն, անուն
Կ.Տ.

Ծառայությունն ընդունեց

ստորագրություն

ազգանուն, անուն
Կ.Տ.

ԱԿՏ N

պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Պատվիրատու) և _____-ի
Պատվիրատուի անունը Կատարողի անունը

(այսուհետ՝ Կատարող) միջև 20 թ. _____-ին կնքված N _____
պայմանագրի կնքման ամսաթիվը պայմանագրի համարը
 գնման պայմանագրի շրջանակներում Կատարողը 20 թ. _____-ին հանձնման-ընդունման
 նպատակով Պատվիրատուին հանձնեց ստորև նշված ծառայությունները.

Ծառայության		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

ազգանուն, անուն

ստորագրություն

Ընդունեց

հայտը նախագծած ներկայացուցիչ՝

ազգանուն, անուն

ստորագրություն

**ՏՈՒՄԱՆՔԻ ՄԱՍԻՆ ՀԱՄԱՁԱՅՆԱԳԻՐ
(պայմանագրի կատարման ապահովում)**

ք. Երևան

« 8 » փետրվարի 2018 թ.**

«Հաղթանակ» ՍՊԸ-ն, ի դեմս Ընկերության տնօրեն Ա, Դանիելյանի /նույն.քարտ 000298802, տրված 30.10.2012 թ, 001-ի կողմից/, որը գործում է Ընկերության կանոնադրության հիման վրա՝ (այսուհետև՝ Ընկերություն), սույնով միակողմանի սահմանում է հետևյալ տուժանքի վճարման համաձայնությունը.

1. Համաձայնության առարկան

1.1 Ընկերությունը մասնակցում է Երևանի քաղաքապետարանի* (այսուհետև՝ Պատվիրատու) կողմից կազմակերպված « ԵՔ-ԲՄԾՁԲ-18/23-1 »* ծածկագրով գնման ընթացակարգին:

Որպես գնման ընթացակարգի արդյունքում կնքվելիք պայմանագրի կատարման ապահովում, Ընկերությունը Պատվիրատուին է ներկայացնում սույն տուժանքի համաձայնագիրը և կից վճարման պահանջագիրը՝ լրացված և հաստատված Ընկերության կողմից՝ համաձայն ՀՀ կենտրոնական բանկի հաստատած՝ «Վճարահաշվարկային գործառնությունների կատարման ժամանակ կիրառվող փաստաթղթերի նվազագույն վավերապայմանների և դրանց լրացման կանոնների»:

1.2 Ընկերության կողմից գնման ընթացակարգի արդյունքում կնքված պայմանագիրը չկատարելու կամ ոչ պատշաճ կատարելու դեպքում Պատվիրատուն սույն տուժանքի համաձայնագիրը և կից վճարման պահանջագիրը (այսուհետև՝ պայմանագրի կատարման ապահովման վճարման պահանջագիր) ներկայացնում է Ընկերությանը սպասարկող բանկին (այսուհետև՝ Բանկ)՝ այդ մասին գրավոր տեղեկացնելով Ընկերությանը:

1.3 Բանկը պայմանագրի կատարման ապահովման վճարման պահանջագիրը ընդունում է կատարման՝ Պատվիրատուի կողմից սույն տուժանքի համաձայնագրի և գնման ընթացակարգի արդյունքում կնքված պայմանագրի չկատարման կամ ոչ պատշաճ կատարման փաստը հաստատող փաստաթղթի բնօրինակները, որոնք նշվում են պայմանագրի կատարման ապահովման վճարման պահանջագրում, Բանկին տրամադրվելու դեպքում:

1.4 Պայմանագրի կատարման ապահովման վճարման պահանջագրում նշված գումարի վճարման հետևանքով առաջացած ռիսկերի (Ընկերության կրած վնասների) համար Բանկը պատասխանատվություն չի կրում:

1.5 Սույն համաձայնագիրը և կից պայմանագրի կատարման ապահովման վճարման պահանջագիրը Բանկ ներկայացնելուց հետո, Բանկից անկախ պատճառներով, տասն աշխատանքային օրվա ընթացքում Պատվիրատուին գումարը չվճարվելու դեպքում, Պատվիրատուն չվճարման հետ կապված Ընկերության մասին տեղեկությունները փոխանցում է «ԱՔՌԱ Քրեդիթ Ռեփորթինգ» ՓԲԸ (Վարկային բյուրո):

2. Այլ պայմաններ

2.1 Սույն համաձայնագիրը ուժի մեջ է մտնում Ընկերության կողմից վավերացման պահից և վավեր է Ընկերության կողմից կնքվելիք պայմանագրով ստանձնվող պարտավորությունները ողջ ծավալով կատարելու վերջին օրվան հաջորդող 10-րդ աշխատանքային օրը ներառյալ:


2.2 Սույն Համաձայնագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

3. Ընկերության հասցեն, բանկային վավերապայմանները՝

«Հաղթանակ 2000» ՍՊԸ
ք. Երևան, Անդրանիկի 4/8
«Կոնվերսանկ» ՓԲԸ
Հ/Հ 193004674001
ՀՎՀՀ 00832885

Ա, Դանիելյանի
(ստորագրություն)
Կ.Տ



1. ՎՃԱՐՄԱՆ ՊԱՀԱՆՋԱԳԻՐ² N (պայմանագրի կատարման ապահովում)	
2. Ներկայացման ամսաթիվը՝ "___" ___ 20___թ.	
3. Ընկերություն (այսուհետ՝ վճարող)՝ «Հաղթանակ» ՍՊԸ	
4. Վճարողի բանկը՝ «Կոմերսբանկ» ՓԲԸ	
5. Վճարողի հաշվի համարը՝ Հ/Հ 193004674001	
6. Վճարողի ՀՎՀՀ 00832885	
7. Վճարողի ՀԾՀ՝	
8. Շահառու՝ Երևանի քաղաքապետարան	
9. Շահառուի ՀՎՀՀ՝ 02593108	
10. Շահառուի բանկը՝ Կենտրոնական գանձապետարան	
11. Շահառուի հաշվի համարը /h2.N/900015211429	
12. Գումարը թվերով և բառերով՝ 493740 /չորս հարյուր իննսուներեք հազար յոթ հարյուր քառասուն /	
13. Արժույթը (բառերով և կողով)՝ ՀՀ դրամ AMD	
14. Գործարքի /վճարման/ նպատակը՝ (պայմանագրի կատարման ապահովում)	
15. Պայմանագրի ծածկագիրը՝ « ԵՔ-ԲՄԾՁԲ-18/23-1»	
16. Փաստաթղթերի անվանումը, դրանց համարները, տրամադրման պայմանը	
17. կից՝---	էջ
19.ա. Շահառուի ստորագրությունները /_____ /_____ 19.բ. Կ.Տ.	18.ա. Վճարողի ստորագրությունները՝  /_____ /_____ 18.բ. Կ.Տ.
Կատարված է շահառուի բանկի կողմից 20.ա. /_____ /ստորագրություն/ 20.բ. Կ.Տ. "___" ___ 20___թ.	Կատարված է վճարողի բանկի կողմից 21.ա. /_____ /ստորագրություն/ 21.բ. Կ.Տ. 22. Կատարման ամսաթիվը՝ "___" ___ 20___թ.

² Վճարման պահանջագիրը լրացվում է համաձայն սույն հրավերով սահմանված «Վճարման պահանջագրի պարտադիր վավերապայմանների և լրացման կարգի»: